

Kommuneqarfik Sermersuumi sunngiffimmi sammisassaqaartitsinernut,  
timigissarnermut, timersornermut peqatigiiffinnullu tapiissutit pillugit  
malittarisassat

Suliarinnittut:

Meeqqanut Atuarfeqarnermullu Ingerlatsivik

Kommuneqarfik Sermersuup

## Imarisai

|   |   |
|---|---|
| Kommuneqarfik Sermersuumi sunngiffimmi sammisassaqtitsinernut, timigissarnermut, timersornermut peqatigiiffinnullu tapiissutit pillugit malittarisassat ..... | 1 |
| Kommuneqarfik Sermersuumi tapiissuteqarnermut malittarisassat .....   | 3 |
| § 1. Tapiissuteqartarnermut tunngaviit.....   | 3 |
| § 2. Tapiissutininik agguaaneq .....  | 4 |
| Sammisassat timersornermut attuumassuteqartut .....   | 5 |
| § 2.1. Tapiissutininik agguaaneq (pulje 1) .....  | 5 |
| § 2.2. Sakkortuumik timersorneq (pulje 2).....  | 5 |
| § 2.3. Atuartut atuangiffiini sammisassat (pulje 3) .....   | 6 |
| § 3. Tapiissutit ukununnga atorineqarsinnaangillat:.....  | 6 |
| § 4. Sumiginnaaneq .....  | 7 |
| § 5. Atuutilerfissaa atorunnaarsitsinissarlu pillugit aalajangersakkat.....   | 7 |

## Kommuneqarfik Sermersuumi tapiissuteqarnermut malittarisassat

Uani peqatigiiffiup Kommuneqarfik Sermersuumit tapiiffiqineqarnissaanut suut piumasaqaataanersut atuarsinnaavatit.

Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr. 5, 6. juni 2016-imeersoq kiisalu Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq naapertorlugit Kommuneqarfik Sermersooq kulturilerinermut, sunngiffimmut kiisalu timersornermut timigissarnermullu tunngasunut tapiissuteqartarpoq.

Kulturimik ingerlatsinernut sunngiffimmilu sammisassaqtitsinernut imaluunniit timigissarnermut timersornermullu inatsisini allani malittarisassiorneqarsimasunut tapiissuteqartoqarneq ajorpoq.

Kommuneqarfik Sermersuup tapiissuteqartarnermut malittarisassai inunnut ataasiakkaanut peqatigiiffinnullu Kommuneqarfik Sermersuumi najugaqartunut/angerlarsimaffeqartunut atuupput.

Peqatigiiffiit tapiiffiqineqassagunik uani nalunaarsorsimasariaqarput Sammisassat.gl. Peqatigiiffiup paasisutissaatai kingullit nutartikkat kingusinnerpaamik ulloq 1. novembari Sammisassat.gl-mut allanneqarsimassapput, tapiissutit pissutsit atuuttut malillugit tunniunneqarniassammata.

Kommunalbestyrelsip ukiumut tapiissutinut atugassat annertussusilertarpei.

### § 1. Tapiissuteqartarnermut tunngaviit

#### § 1.1.

Tapiissutit ukiumoortumik januaarimi tunniunneqartarput. Peqatigiiffiit Sammisassat gl-imi nalunaarsuisimani malillugit ingerlatsinermut ilaasortanullu tapinik pissarsissapput. Peqatigiiffiit Sammisassat.gl-imi nalunaarsorneqarsimaganik taava peqatigiiffiit allat assigalugit ingerlatsinermut tapit amerlaqataannik pissapput. Aamma ilaasortat amerlassusii tunngavigalugit tunineqassapput, Sammisassat gl-imi nalunaarsorneqartut malillugit.

Angalanermut tapiissutit ukiumut tulliuuttumut qinnutigineqartut Susassaqtitsinermut Immikkoortoqarfiup kingusinnerpaamik 1. novembari tigussavai. Angalanissanut tapiissutissanut qinnuteqaatit Immikkoortortaqaqfimmittigineqartut, qinnutigineqartut amerlassusiinik procentinngorlugit aningaasartaannik pissapput.

Peqatigiiffiup pilersinneqaqqammersup tapiiffiqineqarsinnaatitaanini kissaatigippagu taanna Sammisassat.gl-imi nalunaarsorneqassaaq tapinik tigusaqartinnani. Tulliuuttut Sammisassat.gl-imi nalunaarsorneqassapput:

- Malittarisassat pilersitsilluni ataatsimeersuarnermi suliarineqartut
- Missingersuutit ataatsimeersuarnermi akuerineqartut
- Ataatsimeersuarnermit imaqaarniliaq
- Ilaasortanik Sammisassat.gl-imi nalunaarsuineq
- Siulersuisut katitigaanerit

#### § 1.2.

Peqatigiiffiit Sammisassat.gl-imi nalunaarsorsimasut kisimik aningaasanik tapiissutinik tunineqarsinnaapput. Nalunaarsorsimajuannarniaraanni ukiut tamaasa peqatigiiffiup uploadertagassai:

- Malittarisassat

- Naatsorsuutit kukkunersiukkat, ataatsimeersuarnermi akuerineqartut
- Ataatsimeersuarnermit imaqarniliaq
- Ilaasortat nalunaarsorneqartut
- Siulersuisut katitigaanerat

Ukiut tamaasa januaarimi tapiissutit agguanneqartarput. Tapiissutit peqatigiiffimmut aatsaat tunniunneqarsinnaapput, peqatigiiffik CVR normoqarluni nalunaarsorsimappat aamma bankkontonormuni Sammisassat.gl-imi nalunaarsorsimaguniuk. Peqatigiiffik tapiiffigineqartoq ilumoorluinnarluni uppernarsaassaaq tapiissutit peqatigiiffiup siunertaanut atorneqarnissai pillugu aamma susassaarfimmi inatsit atuuttoq malillugu meeqqanik pinerliisimanginnermik uppernarsaatiniq peqarnissani pillugu.

### § 1.3. Meeqqanik pinerliisimanginnermik uppernarsaat

#### § 1.3.1.

Peqatigiiffiit tamarmik meeqqanik pinerliisimanginnermik uppernarsaammik piniarnissaminut pisussaapput, meeqqanik pinerliisimanginnermik uppernarsaatiniq piumasaqaateqartussaataaneq pillugu Inatsisartut inatsisaat nr. 8, 19. maji 2010-meersoq malillugu. Meeqqanut 15-it inorlugit ukiulinnut ingerlatsinernut tapiiffigineqarnissamik qinnuteqartut tamanna pillugu inatsit atuuttoq naapertorlugu meeqqanik pinerliisimanginnermik uppernarsaatit pissarsiarineqarsimanerat ilumoorluinnarlutik nalunaarutigissavaat.

#### § 1.3.2.

Timersortartut peqatigiiffii, timersortartut klubbii, peqatigiiffiit aamma inatsisat malillugit ingerlatsisutut isigineqartut meeqqanik pinerliisimanginnermik uppernarsaammik piumasaqaateqartussaataaneq inatsisini, malittarisassani malittarisassanilu taakku assingini allassimanissaa isumagissavaat, meeqqanik pinerliisimanginnermik piumasaqaateqartussaataaneq pillugu Inatsisartut inatsisaat nr. 8, 19. maj 2010-meersoq malillugu.

#### § 1.4.

Peqatigiiffiit tapiiffigineqarsimasut imminnut pisussaaffilerput, meeqqat inuusuttullu atuangiffeqarnerisa nalaani sivikinnerpaamik akunnerit sisamat sammisassaqaartitsinermik aqqissuussissallutik, ilaasortaangitsut qitiutillugit. Sammisassatut aqqissuunneqartut immikkoortortaqaarfiup peqataanissamut nalunaarfissatut atugaani takuneqarsinnaasuusaaq.

## § 2. Tapiissutiniq agguaaneq

Kommunalbestyrelsimi aningaasat annertussusilerneqarsimasut, imatut agguataarneqassapput:

- Pulje 1: Peqatigiiffinnut agguassassat 82 procent.
- Pulje 2: Sakkortuumik timersornermut 3 procent.
- Pulje 3: Atuartut atuangiffeqarneranni sammisassanut 15 procent.

Aningaasat atorneqanngitsut peqatigiiffinnut Pulje 1-ip ataaniittunut agguanneqassapput. Atorneqanngitsunik agguassineq 1. oktobari pissaaq.

Sammissassat timersornermut attuumassuteqartut  
Kommunimi timersortarfiit akeqanngitsumik timersoqatigiiffinnut atukkiunneqartarput.

Naluttarfik Malik akeqanngitsumik timersoqatigiiffik Qajaq, peqatigiiffik Triatlon allanullu atortinneqartarpoq.

Tasiilami aamma Ittoqqortoormiini sisoraatinik majuartaatit illoqarfinni taakkunani sisorartartut klubbiinut akeqanngitsumik atortinneqartarput.

Peqatigiiffiit nammineq illuutillit Kommunemit pigineqanngitsunik, kallerup inneranut imermut kiassarnermullu taperneqarsinnaapput 100%-nik, aningaasartuutivii tunngavigalugit.

## § 2.1. Tapiissutininik agguaaaneq (pulje 1)

### § 2.1.1. Angalanernut aningaasaliissutit

Peqatigiiffinnut tapiissutit immikkoortinneqartut 75%-ii angalanermut aningaasaliissutaassapput. Kingusinnerpaamik 1. novembari ukiumi tulluuttumi angalanissanut Sammissassaqaartitsinermut Immikkoortoqarfimmut qinnuteqartoqarsimassaaq. Qinnuteqaatit tiguneqartut tunngavigalugit angalanermut tapiissutissat procentinngortinneqarnerat naatsorsorneqassaaq. Qinnuteqarnermut atatillugu angalanissat:

- akikinnerpaamik pissapput
- imaatigut angalanernut tapiissutininik pisinnaapput taamaallaat angallat ilaasunik angallassissutissat Søfartsstyrelsimi akuerineqarsimasoq atorineqarpat

Angalanerit pereersut imaluunniit angalanernut tapiissuteqarnissamut killigitinneqartumik malinnissimangitsut tapiiffiqineqarsinnaanngillat.

### § 2.1.2. Ingerlatsinermit tapiissutit

Peqatigiiffinnut tapiissutit 10 %-ii Sammissassat.gl-imi peqatigiiffiit nalunaarsorneqarsimasut akornanni assigiimmik agguataarneqassapput. Aningaasat taakku peqatigiiffinnut tamanut assigiipput.

Ingerlatsinermit tapiissutininik pissagaanni Sammissassat.gl-imi nalunaarsorsimasariaqarpoq. Aningaasanik tunniussineq ukiumut ataasiarluni nammineertumik januaarimi pisarpoq. Peqatigiiffiit ingerlatsinermit tapiissutit sumut atorineqarnissaat namminneerlutik aalajangiiffigissavaat.

### § 2.1.3. Ilaasortanut tapiissutit

Peqatigiiffinnut aningaasat tapiissutit 15%-ii ilaasortat amerlassusii tunngavigalugit agguataarneqassapput. Taamaalilluni peqatigiiffimmut peqatigiiffimmi ilaasortamut ataatsimut tapiissutit assigiit tunniunneqassapput. Tamanna nammineq januaarimi pisarpoq Sammissassat.gl-imi ilaasortat nalunaarsorneqarsimasut amerlassusii malillugit.

## § 2.2. Sakkortuumik timersorneq (pulje 2)

### § 2.2.1.

Timersuutit sakkortuut peqataaffiginissaannut, Kalaallit Nunaanni aqqissuunneqartut, soorlu: Arctic Circle Race, Nuuk - Kapisillit Tour, Ultraløb ullup ataatsip ingerlanerani nunakkut 50 km-init takinerusoq, Ironman,

halv ironman assigisaallu. Taakku aningaasaliissutit 2-mi tapersorsorneqarput, peqataasumut ataatsimut annerpaamik 1500 kr.-nik.

#### § 2.2.2.

Peqataasut Paamiuneersut, Tasiilameersut aamma Ittoqqortoormiineersut pigisaanneersullu tapiissutit §2.2.1-imi taaneqartut marloriaataannik tapiiffigineqarsinnaapput.

Aningaasaliissutinut atugassat sinneqarpata §§ 2.2.1. aamma 2.2.2. naapertorlugit tapiiffigineqarneq pisinnaavoq.

#### § 2.3. Atuartut atuangiffiini sammisassat (pulje 3)

Atuartut atuangiffiisa nalaani sammisassaqartitsisarnermi siunertaavoq, meeqqat inuusuttullu pisunut sammisassanut peqataanissaannut aggersarnissaat, tassa aaqjissuussat Kommuneqarfik Sermersuumit peqatigiiffiit allalluunniit peqatigalugit aaqjissuussai, soorlu timersorneq aamma isumassarsiorluni sammisassaqartitsineq.

#### § 3. Tapiissutit ukununga atorineqarsinnaangillat:

##### § 3.1.

Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaanni nr. 5, 6. juuni 2016-imeersumi § 9 imm. 5 naapertorlugu politikimik, upperisarsiornermik sulisullu kattuffeqarnerannut siunertanut tapiissuteqartoqarsinnaangilaq.

##### § 3.2.

Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaanni nr. 5, 6. juuni 2016-imeersumi ilinniarnert inuussutissarsiornermilu piginnaasaqalersitsisunik ilinniartitsinerit ilaangillat. Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaat nr. 5, 6. juuni 2016-imeersoq naapertorlugu paasisassarsiorluni angalanerit assigisaalluunniit ilinniarnermut aamma inuussutissarsiutinut piginnaasaqalersitsisumik ilinniarnernut ilinniartitsinerinulluunniit ilaasunut tapiissuteqartoqarsinnaangilaq.

##### § 3.3.

Meeqqat inuusuttullu sulinaqatigiivinit inuit silamilu ingerlatsiviit Namminersornerullutik Oqartussat nalunaarutaat nr. 20, 27. september 1988-imeersoq naapertorlugu tapiissutit meeqqanut inuusuttunullu siliniutinut tunniunneqartassapput, nalliuttorsiornernulli, qitimmuut taamaaqataannullu tapiissutinik tunniussisoqarsinnaangilaq.

##### § 3.4.

Tapiissutit sammisassaqartitsinerni aaqjissuussaniluunniit imigassamik aalakoornartortalimmik sassaallerfiusuni tuniniaaffiusuniluunniit atorineqassangillat.

##### § 3.5.

Ingerlatsinernut, aaqjissuussinernut suliniutinulluunniit innuttaasunik tunngavissaqanngitsumik immikkoortitsiviusunut tapiissutit atorineqaaqusaangillat.

##### § 3.6.

Kommune peqatigiiffinnut siulersuisuni ilaasortanik akissarsiaqartitsisunut tapiissuteqarneq ajorpoq.

#### § 4. Sumiginnaaneq

Tunnngaviit qulaaniittut sumiginnarneqarsimatillugit tapiissutit utertillugit akilerneqarnissaannik kommune tapiissutinik pisimasumut piunasaqarsinnaavoq.

#### § 5. Atuutilerfissaa atorunnaarsitsinissarlu pillugit aalajangersakkat

##### § 5.1

Kommuneqarfik Sermersuumi sunngiffimmi sammisassaqtitsinermut, timigissarnermut, timersornermut aamma peqatigiiffinnut tapiissuteqartarnermut malittarisassat 1. januaari 2023 atuutilersinneqassapput.

2023-mut tapiissutit Kommuneqarfik Sermersuumi sunngiffimmi timersornermilu tapiissuteqartarnermut malittarisassat 2019-imeersut toqqammavigalugit tunniunneqassapput, malittarisassat nutaat toqqammavigalugit aatsaat 2024-mi tapiissutit tunniunneqarsinnaagamik.

##### § 5.2

Peqatigitillugu Kommuneqarfik Sermersuumi sunngiffimmi timersornermilu tapiissuteqartarnermut malittarisassat 2019-imeersut atorunnaarsinneqarpoq.

Ulloq:

Borgmesteri

Avaaraq Olsen